

ՅՈՎԱՆ-ՄԱՐԻԱՄԵԱՆ ՕՐԻՈՐԴԱՑ ԴՊՐՈՑԻ ՀՈԳԱԲԱՐՁՈՒԹԵԱՆ ԸՆՏՐՈՒԹԻՒՆՆԵՐԸ

«Մուրճ»-ի չունեարի տետրում հաղորդած էր այդ դպրոցի հոգաբարձու թիւնը ընտրելու համար կատարած ծխական պատգամաւորների ընտրութիւնների մասին: Ենչպէս չիշում կը լինեն մեր ընթերցողները՝ կասկածելի մնում էին Բեթղեհէմի ս. Աստածածնալ ընտրութիւնները, որոնց արդիւնքը հաղորդելով հանդերձ մենք մատնանիշ էինք եղել աչն հանգամանքի վրայ որ այդ եկեղեցում ընտրողների թիւը ծխականների մի հինգերորդից ($\frac{1}{5}$) պակաս էր եղած, հետեւապէս պէտք էր կարծել թէ այդ եկեղեցու ընտրութիւնը կը բեկանէր պատշաճաւոր իշխանութեան կողմից: Զեկույցած էր ուր հարկն է անվաւերականութեան մասին և այդ պատճառով լինելու եկեղեցու ծխականները չաջորդ կիրակի ճորից հրաւիրեցին ընտրութիւններ կատարելու, որ սակայն տեղի չունեցան աչն պատճառով որ նոյն եկեղեցու քահանաները ինքնիշխան կերպով փակեցին եկեղեցու դռները և չկատարեցին ընտրութիւնները: Այդ անցքից լետու Գէորգ եպ. Սուրենեանց հաստատեց թեմիս առաջնորդ, որը ալ և ալ հիմունքներով առաջին ընտրութիւնները վաւերական ճանաչեց:

Մարտի 24-ին կատարեցին նոյն դպրոցի հոգաբարձական ընտրութիւնները մասնակցութեամբ բոլոր տասներկու պատգամաւորների և նախագահութեամբ թեմական առաջնորդի: Նիստում ալ խօսակցութիւններ տեղի չունեցան, բացի աչն որ պատգամաւորներից մէկը հարց ուղղեց սրբազան նախագահին թէ այդ ինչ է նշանակում որ ընտրութիւնների մասին միաչն երկու օր առաջ է ծանուցել, քանի որ պատգամաւորների ընտրութեան օրից մինչ հոգաբարձական ընտրութեան օրը երկու ամիս է անցած. իսկ այդ ժամանակամիջոցում պատգամաւորներից ոմանք կարող էին բացակայ լինել քաղաքից, իբր օրինակ բերեց իրան, որը իւր պատգամաւորական պարտականութիւնը կատարելու համար, հեռագիր ստանալուն պէս, Նրեանից ճանապարհ է ընկել և հաղի նիստից մի ժամ առաջ թիֆլիս է հասել: Այդ հարցին սրբ. առաջնորդ-նախագահը բաւականացաւ պատասխանելով թէ իւր կարգադրութեան հիմքում վատ դիտա-

տրութիւն չի եղել, այլ միայն ուղեցել է որ այդ օրը կատարեն ընտրութութիւնները, ուրիշ ոչինչ:

Գալով բուն ընտրութիւններին, պատգամաւորները իրանց հակումներով բաժանւած էին երկու մասի: Մի մասը ցանկանում էր ընտրել հոգաբարձուներ չատկապէս զպրոցի հիմնադիր հանգուցեալ Յովնանեանի տոհմից կամ ազգականներից, իսկ միւս մասը ցանկանում էր որ ընտրուել չորս հոգաբարձուներից երկուսը և կամ գոնէ մէկը ընտրուի միանգամայն անկախ ազգակցական կապերից:

Մեր ընթերցողներին հարկ ենք համարում հաղորդել, որ նիստից մի օր առաջ Յովնանեան զպրոցում կալացած պատգամաւորների մասնաւոր մի ժողովում մենք ծանօթացանք Գէորգ IV կաթողիկոսի կոնդակի, որպէս նաև Բարձրագոյն հաստատւած կանոնադրութեան և հանգուցեալի կտակի և ալ պաշտօնական գրութիւններ: Հետ և հաւաստիացանք որ այդ բոլոր պաշտօնական վկայաթղթերում մի տող անգամ չկալ, որով պարտաւորութիւն դրւած լինի պատգամաւորների վրայ հոգաբարձու ընտրել անպատճառ Յովնանեան տոհմից կամ ազգականներից:

Միակ իրաւունքը, որ կարելի է տոհմի իրաւունք ճանաչել, այլ հետեւեալն է. կտակի զօրութեամբ զպրոցին չատկացրած քարաճսարալի եկամտից պէտք է գուցենլի 24000 ռուբլու մի ֆոնդ, որի տոկոսներով 10 որդեգրուհիներ պիտի պահեն չիչեալ զպրոցում: արդ, ընտրութիւնը այդ որդեգրուհիների վերապահւած է Յովնանեան տոհմի մէջ աւագին և ոչ զպրոցի հոգաբարձութեանը: Եւ նոյն իսկ այդ տոհմական իրաւունքն էլ բաւականաչափ որոշւած չէ. մի տեղ այդ իրաւունքը չատկացրած է старшему въ его родѣ (նոր տոհմի աւագին), միւս տեղ ասւած է старшему въ родѣ (տոհմի աւագին), որով հասկացւում է թէ այդ իրաւունքը տրւում է նորա, այսինքն Ստեփանոս Անանեանցի՝ սերնդի մէջ աւագին, իսկ միւսով կարելի է հասկանալ նաև որ այդ իրաւունքը տրւում է առհասարակ Անանեան (Յովնանեան) տոհմի մէջ ամենահասակաւորին: Դրւած աւսպիտի անորոշ դրութեան մէջ՝ մինչ ալժմեան խնամակալները և հոգաբարձութիւնները այդ իրաւունքը ճանաչել են հանգուցեալ Ստեփ. Անանեանցի մեծ որդու օգտին, իսկ հանգուցեալ հիմնադրի արական սերնդի իսպառ ջնջւելուց չհտոյ՝ հանգուցեալ հիմնադրի եղբայր պ. Ալեքսանդր Անանեանցի օգտին:

Բայց, կրկնում ենք, հոգաբարձական թեկնածուների խնդիրը ոչ մի բաւով չի կապւած Անանեան տոհմի իրաւունքների հետ:

Չնայած զորան՝ նոքա, որոնք նոր տարր էին ուզում մտցնել հոգաբարձուների կազմի մէջ, և նոցա թւում նաև ամսագրիս խմբագիրը, միանգամայն արդարացի և խելացի էին գտնում ընտրել հոգաբարձու առնւաղն երկուսին և նոյն իսկ երեքին Անանեանների մերձաւորներից,

քաղց ոչ որովհետև անուշով մերձաւոր են հանգուցեալ հիմնադրին, ալ որովհետև դոցանից երեքը՝ Ալեքսանդր Ստեփանեան Անանեանց, Յովհաննէս Ստեփանեան Խատրսեան և բժ. Միքաէլ Շահպարտեան գլխաւոր գործողներն են եղել հանգուցեալ հիմնադրին դէպի ալք բարեգործութիւնը մղելու և ամեն վտանգից դպրոցը մինչ ալժամ զերծ պահելու և համեմատապէս բարեկարգ դրութեան մէջ պահպանելու համար:

Ալլ հիման վրա՝ նոր տարր մտցնելու կուսակիցները իրանց պահանջը իջեցրին երկուսից մինչ մէկը, առաջարկելով ալսպիսի ցուցակ. Ալ. Անանեան, Յովհ. Խատրսեան, Միք. Շահպարտեան, իսկ չորրորդը՝ պ. Յովհ. Սպենդիարեան: Հակառակորդները պնդեցին տոճականների անուշներին վրա՝ Գաղտնի ընտրութեան հետեանքը եղաւ հետեանքը.

1. Ալեքսանդր Անանեան 12 ձայն (միաձայն)

2. Յովհաննէս Խատրսեան 11 ձայն (միաձայն, ինքը իբր պատգամաւոր՝ ձեռնպահ իւր համար):

3. Միքաէլ Շահպարտեան 12 ձայն (միաձայն):

4. Բժ. Ստեփանոս Անանեան 7 քէ ընտրողական և 5 սև:

5. Յովհաննէս Սպենդիարեան 6 քէ ընտրողական և 6 ոչ ընտրողական: Ալսպիսով ընտրեցին առաջին չորսը:

Մասնակցեցին ընտրութեան՝

Վանքի մալր եկեղեցուց—պպ. Յովհ. Խատրսեան, Գաբր. Սունդուկեանց, Աբր. Բաբանեան և Խահակ Բուղդանեան:

Մողնու ս. Գէորգ եկեղեցուց—պպ. Աւ. Արասխանեանց, Յակոբ Թաղէտեանց, Ստ. Լիսիցեան և բժ. Լուու-Միլիքեան:

Քեթիկէմի ս. Աստածածին եկեղեցուց—պպ. Կոնստ. Ալիխանեանց, Նիկ. Խոսրովեան, բժ. Կուկուջանեան և Յ. Խուղաղեան:

Ա. Ա.